



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thronus Dei Maria Deipara

Spinelli, Pietro Antonio

Coloniæ Agrippinæ, 1696

Miraculum S. Mariæ ab Arcu prope Neapolim in Nolana diœcesi, n.57

[urn:nbn:de:hbz:466:1-46853](https://nbn-resolving.org/urn:nbn:de:hbz:466:1-46853)

put eius comminuit. sic ille; quo audito Alfonso fratris nece moestus, iustam tamen Dei punitionem agnosceus, testatus est se, cum Crucifixi miraculum, quod pridem euenerat, ex transfuga cognouisset, Petrum fratrem eodem, quo interijt die sedulo monuisse, ne versus Carmentanum Deiparæ templum tormenta displicere iuberet. Petrum verò ad hoc nullum sibi responsum dedisse, sed malo suo eandem verberationem rursus tentare voluisse. Ad hæc tanta secuta est imbrum magnitudo, vt obsidio soluenda fuerit. Alfonso verò hoc Crucifixi miraculo adeò est permotus, vt cum trienno exacto Neapolis in eius potestatem venisset, postmodum ad templum Deiparæ Carmentanum adierit, vt sacram Crucifixi imaginem piè veneretur. quod & deinceps crebrò facitavit. hæc Thomas Cost.

Mariana.

non referat, necem tamen Petri miraculo tributam significat his verbis: *Vulgus militum, sed & populi multitudo Petri eadem in Religionem vertebat, præsertim continuis imbribus oppugnatione impedita, soluta obsidione Capuam discessum, hæc Mariana.*

Miraculum S. Mariæ ab Arcu prope Neapolim in Nolana Diœcesi,

VIR QUIDAM DEIPARÆ AB AR-
ca imagine, qua in Nolana est Diœcesi, percussa, suspensio; Mulier item in eadem Deiparæ blasphemam pedum abscissionem mihi dantur.

57 VERVM omnis quam plurimis aliis ex omni antiquitate petitis exemplis, quæ ad hoc confirmandum afferri possent, veniamus ad ea, quæ vel Patrum superiore, vel nostra recentiori memoria contigerunt. in via publica prope S. Anastasiam (id est, oppidum Nolanz Diœcesis ad Ciuitatem Vesuuium spectans, quod inter Nolam, ac Neapolim sex passuum millibus æqua distantia interiacet, situm ac Vesuuij montis iadices flammaram, cinerisque eruptione, ac Plinij interitu maxime celebris) erat angustum, ac tenuis fa-

cellum in campestri loco antiquitus extructum, cui nomen vulgo S. Maria ab Arcu, sic dicta à fornice, ad cuius leuam in pariete erat liquidis expressa coloribus Deiparæ imago, puerum leuam inter brachia gestantis, quæ quamuis nullo olim Clericorum perpetuò seruitio coleretur, illustrata certe diuinitus est nobilissimo miraculo, quod finitimos populos ad pietatem, nouumque facilli cultum exciuit. Enim verò centesimo fere ab hinc anno cum in ea vicinia ludum aliqui desiderent, quo lignei globi trude item lignei circumaguntur in plano, ac subinde trudentur, impius quidam, & proiectæ audaciæ, quod pecunie iacturam faceret in ludo, die, qua sacratissimum Resurrectionis Domini Pascha proximè sequitur, arreptam, qua ludabat pilam irato, infensoque animo in depictæ Deiparæ faciem sacrilega manu contorsit; inde repente sanguis miraculosè dimanauit, cuius represso fluxu tanguinei coloris impressa cicatrix diuinitus remansit in facie. Verùm ex templo impius percussor immobilis factus, eodem in loco in secleris poenam, ludicis tentantia infelici arbori cum lusoris instrumentis suspensus interijt: tunc verò perspicua miraculi nouitate commota vicinia est, ad nouam Deiparæ pietatem, tunc aucta celebritas, nam eadem feria secunda Paschatis, eo in loco decretata est solemnitas, quæ ad inlequeus vsque miraculi tempora perdurauit, quin etiam ad posteritatis monumentum reum ex arbore suspensum cum lusoris instrumentis in veteris ædiculæ pariete, hæc inscriptione notatum coloribus expresserunt, quæ nos ipsi longo intervallo ex eodem semidurito expressimus, ea verò eiusmodi est, demptis quibusdam oculis vetustate exelis, quas etiam punctis notatas lectori supplendas reliquimus: Mirabilis Deus in sanctis suis, quanto magis in Matre sua, quam cum quidam diabolica instigatione lusor pila percussisset in faciem, repente immobilis factus à curia deprehensus, & ex arbore suspensus fuit. Dominus Cæsar... tot, ac humilis Dei seruus, ... nus de lamone restauri M. A. N. D. 1577. ator. f. m.

58 Verùm anno 1590. iterum accensus est feruor, iterum ad aucta frequentia alterius celeberrimi miraculi occasione: nam anno proximè superiore feria secunda Paschatis, qua annu-

mulier po-
 dum ab-
 scissione
 mulierum
 ur

versaria celebritate S. Mariæ ab Arcu in pri-
 stini miraculi memoriam celebratur, femina
 quædam, cujus erat nomen Aurelia de Prete,
 quadragesimum circiter ætatis annum agens,
 una cum conjugè (is enim vocabatur Marcus
 de Cennamo, uterque ex eodem oppido S. A-
 nastasia) Ruscium adibat suum, ac porcel-
 lum præ se agebat. cumque appropinquaret
 sacello S. Mariæ ab Arcu, deerravit porcellus
 de via in agrum sacello contemnum; quem
 fugientem cum femina assequi non posset,
 offendit, & in terram corruit. hic illa indi-
 gnabunda, atque ira vehentius percita san-
 ctissimum Mariæ nomen (quod vel leuissima
 de causa sacrissimè per summam impietatem
 solebat) iterum, ac tertio execrata est, malum
 insuper imprecata cæmentatio, qui sacellum
 ædificasset, pictori, qui imaginem depinxisset,
 tum maritus qui præsens aderat, tam abomi-
 nabilis, execrationis atrocitate commotus,
 uxore graviter increpita, At, at (inquit) dabis
 ultore Deo pœnas tam nefariæ vocis, qua
 sanctissima Virginis nomen execrata es, at-
 que hinc ad annum pedes isti tui è crinibus
 diuisi diuinitus in terram coincident. Ver-
 ba pondus habuerunt, ac rusticani oris vaticini-
 um comprobavit euentus, nam anno
 proximè insequenti adulta jam quadragesima
 Aurelia pedum dolore decubuit: Accersitur
 ejusdem oppidi chirurgus; Is morbi qualitate
 inspecta, non igne, nec ferro, nec ardenti æ-
 qua usus, sed amygdalino tantum oleo, &
 lactucarum folijs adhibitis, nec ullam prorsus
 medicinam facientibus, ignarus quid ul-
 tra remedij afficeret, ejus vitæ salutem omnino
 desperavit: tandem inaresciti pedes concide-
 runt distracti è crinibus, perinde ac si gladio
 abscissi essent, nullo dolore, nullo sanguinis
 fluxu. ea omnibus merito visa est novi mira-
 culi species, nam ipsa feria secunda Paschæ,
 quæ in diem 23. Aprilis eo anno incidit alter
 pedum, feria verò tertia alter è tibijs excide-
 runt juxta mariti vaticinium, & quicumque
 eam sanctissimæ Deiparæ blasphemam a-
 gnoscebant (agnoscebant autem ferè oppida-
 ni omnes) pro certo habebant, ne ipsa quidem
 Aurelia abnuente, ejusmodi calamitatem ei
 accidisse in pœnam, tanti que sceleris vindi-
 ctam. ita certè complures testes, ipsaque
 mea Aurelia legitimè ab Episcopali curia No-
 lana interrogati, ac jurati in suo examine de-
 posuerunt. ejus miraculi ubi fama percrebuit,

finitimi penè omnes accurrerunt decumben-
 tis Aureliæ domum, inter quos adducto se-
 cum eodem Chirurgo, Cæsar Dominus ejus op-
 pidi Archipresbyter, is re omni perspicuè co-
 gnita pedes in quos illum continuò conjecit,
 quibus ad D. Mariæ de gratia ejus oppidi
 Templum delatis Nolanum Episcopum totius
 rei commonefecit. Pedes postmodum
 intra crates ferreas repositi, ad ipsum S. Mariæ
 de Arcu sacellum publicè suspensi, elapsis
 duobus supra viginti annis, etiam nunc in no-
 vo templo visuntur, quasi testes impietatis,
 Indices diuinæ ultionis in eos, qui in Deipara
 Virginem injuri aliquando fuerint: qui
 denique argumento sunt quantopere velit
 Deus Matrem ab omnibus cœli suam. Eue-
 rō tum denique in eam Deiparæ Imaginem
 devotio iterum magis, magisque excitata est,
 innumerisque crebrescentibus miraculis, ac
 beneficijs, quæ eo in loco à Deipara confere-
 bantur, tantum pietatis exarsit in finitimum
 populorum pectoribus erga eandem Virgi-
 nem ab Arcu, ut omnes accurrerent, suis qui-
 que necessitatibus, aut morbis à Deipara o-
 pem quaerent, & pro sua facultate votiuus
 donis sacellum cumularent, facramque supel-
 lectilem conferrent, & jam rectè visuntur
 parietes votuarum tabellarum multitudine, &
 nunc etiam elapsis à recenti miraculo annis
 duobus, ac viginti, magna populorum lie-
 quentia quotidie illuc accedentium celebra-
 tur: plerique etiam nudis pedibus confluant;
 Nobiles matronæ pretiosissima quæque com-
 portant, tantumque pecuniæ ex piorum ho-
 minum elemosynis conflatum est, ut laxatis
 sacelli angustijs, non solum excitatum sit tem-
 plum structura satis amplum, ac nobile, ad-
 jectumque cœnobium ex illustri fratrum Præ-
 dicatorum familia, ubi ex ea religio si degunt
 ad quinquaginta: sed etiam ex eadem ele-
 mosynis intra Civitatem Velunium (vulgo
 Somma) erecta sit collegiata Ecclesia, in qua
 Sacerdotes duodecim eius Ecclesie cultui ad-
 dicti congruis redditibus aluntur, atque honestè
 sustentantur. In hoc miraculo narrando id-
 circo fuimus aliquantò fastidiosus, quod nostra
 ætate, atque oculis propè nostris gesta res est,
 eamque ne quid deesse possit ad fidem ex ipsis
 documentis, ac processu, quem Nolana Epi-
 scopalis curia, (ad quem spectabat) ea de re
 compilavit eruendam, atque excerptam
 curauimus.

Erga ean-
 dem deus-
 so imagi-
 nē in dies
 augetur.